

## ԱՐԱՔՍ ՓԱՇԱՅԱՆ

### ՍԱՌԻԴՅԱՆ ԱՐԱԲԻԱՅՈՒՄ ՀԱՍԱՐԱԿԱԿԱՆ- ՔԱՂԱՔԱԿԱՆ ԲԱՐԵՓՈԽՈՒՄՆԵՐԻ ՀԱՐՑԻ ՇՈՒՐՁ

Սառույան Արաբիայի Թագավորությունն (ՄԱԹ) այն բացառիկ իսլամական պետություններից է, որտեղ կրոնական եւ քաղաքական կառույցներն ու ինստիտուտները սերտաճած են, իսկ հասարակական գիտակցության հիմքում ընկած է իսլամը: Սառույան Արաբիայում, որը թե՛ արաբական եւ թե՛ իսլամական ինքնության կրող է, իսլամը թերեւս ավելի մեծ դերակատարություն ունի քաղաքական եւ սոցիալական կյանքում, քան որևէ այլ արաբական երկրում: Պետական համակարգի հիմքում ընկած է թեոկրատ պետության (աստվածապետության) մոդելը: Սառույան Արաբիան այն միակ երկիրն է ողջ մահմեդական աշխարհում, որտեղ Դուրանը և մարգարեի սուննան ծառայում են որպես սահմանադրություն, իսկ հասարակության բարոյական, սոցիալական եւ իրավական կոդները կարգավորում է շաքիաթը: Պետական գաղափարախոսության հիմքում ընկած է վահաբականությունը, որի մասին խոսվում է միայն պատմական եւ դավանաբանական համատեքստում:

Իշխանական համակարգի կենտրոնական դեմքը թագավորն է՝ Ալ Սաուդ ընտանիքից: Նու մարմնավորում է թե՛ հոգևոր, թե՛ աշխարհիկ իշխանությունը, որ ներառում է դատական, գործադիր և օրենսդիր ոլորտները: Թագավորական ընտանիքը երկիրը կառավարում է վահաբական ուլամայի իշխող թևի՝ Ալ աշ-Շեյխի հետ դաշն կնքած:

ՄԱԹ-ն այն եզակի պետություններից է, որտեղ իսլամական իրավունքը ծառայում է որպես գլխավոր օրենսդրական աղբյուր: Իսլամական իրավական ուղղություններից ՄԱԹ-ում հիմնականում տարածված է հանքալիականությունը, որն իսլամի ամենաարմատական կրոնական-իրավական դպրոցն է, քանի որ մերժում է *իջթիհադը*<sup>1</sup> և ծայրահեղ անհանդուրժող է ամեն տեսակ նորարարության հարցում: Այս հանգամանքը շատ դեպքերում խթանել է հասարակության կրոնական գիտակցության մեջ ծայրահեղականության դրսևորմանը: Ասվածի ապացույցն է այն փաստը, որ 2001թ. սեպտեմբերի 11-ի ահաբեկչական գործողություններին մասնակից 19 անձնասպաններից 15-ը սառույցիներ էին:

2003 և 2004 թվականները Մատույան Արաբիայում նշանավորվեցին բարենորոգչական շարժումներով. որոնք ուղեկցվեցին սոցիալ-քաղաքական բարեփոխումների մի շարք պահանջներով, հասարակական ելույթներով, ինչն անվտանգության մարմինների կողմից շատ դեպքերում ուղեկցվեց բռնություններով: Նշենք, որ բարեփոխումների ծրագրեր թագավորական ընտանիքին ներկայացվել էին դեռևս 1990-1991թթ. Շոջի պատերազմի շրջանում կրոնական արմատական ընդդիմադիրների կողմից, որոնք Ֆահդ թագավորից պահանջում էին երկու սրբավայրերի երկրից՝ իսլամի հայրենիքից, դուրս բերել ամերիկյան և դաշնակից՝ ոչ իսլամական զորքերը, վերանայել երկրի արտաքին և ներքին քաղաքականությունը<sup>2</sup>: Արդյունքում, 1992թ. Ֆահդ թագավորը ներկայացրեց սահմանափակ բարեփոխումների մի ծրագիր: Երկրի պատմության մեջ առաջին անգամ հրապարակվեց հիմնական օրենքի նշանակություն ունեցող մի փաստաթուղթ՝ «Երկրի կառավարման համակարգը» («Ան-նի-զամ աս-սիյասի լի-հուքմ»)՝ և ստեղծվեց խորհրդակցական մարմնի նշանակություն ունեցող և թագավորի կողմից նշանակովի Մաջլիս աշ-շուրան (Շուրայի Խորհուրդը)<sup>4</sup>:

2003-2004թթ. ՄԱԹ-ում իսլամական բարենորոգչական շարժման առաջատարները, ինչպես անվանում է նրանց սաուդցի այլախոհ գործիչ, նախկին քաղաքագետ Աբդ ալ-Ազիզ ալ-Կուսիմը, իսլամական ազատականները կամ ազատական իսլամականներն են: Վերջիններս բնորոշվում են նաև որպես՝ *վասատիյուններ* (չափավորներ), *թանվիրիյուններ* (լուսավորչականներ), *ակլանիյուններ* (ռացիոնալիստներ) կամ *իսլահիյուններ* (բարենորոգիչներ): Իսլամական բարենորոգիչները, որոնց ելակետը սալաֆիական կամ վաղ իսլամն է, չեն խուսափում քննադատել ավանդական իսլամական գաղափարախոսություններն ու դրանց տեսաբաններին: Նրանց կարծիքով՝ *իջբիհադի* գործադրումն անհրաժեշտ է, որ ցույց է տալիս, թե իսլամն անհամատեղելի չէ արդիականության, առավել ևս՝ ժողովրդավարական արժեքների հետ: Նրանց կարծիքով՝ քաղաքական և կրոնական բարեփոխումները համատեղելի են: Ազատականների մոտ Արևմուտքի նկատմամբ առկա մոտեցումները, ի տարբերություն իսլամական ծայրահեղականների, պայմանավորված են ոչ թե գաղափարախոսական, այլ քաղաքական հիմքերով: Իրենց հարցադրումները տեղադրելով կրոնական-քաղաքական նոր ուղիորսի մեջ՝ նրանք բազմաթիվ շիա բարենորոգիչների հետ կարողացան ստեղծել իսլամական սկզբունքների վրա խարսխված և հակավահաբական քաղաքական պլատֆորմ՝:

Բարենորոգիչների մեջ առանձին խումբ են կազմում աշխարհիկ ազատականները, որոնք չունեն ազդեցիկ դիրքեր և սահմանափակվում են համախոհների եղ շրջանակով: Նրանք առաջ են քաշում կրոնի և պետության տարանջատման, խոսքի ազատության, կրոնական հան-



դուրժողականության, ընտրական իրավունքի ներդրմանն առնչվող հար-  
ցեր<sup>7</sup>:

Բարենորոգումների հարցը հասարակական մեծ հնչեղություն  
ստացավ այն բանից հետո, երբ 2003թ. հունվարին բարեփոխումներ  
անցկացնելու խնդրագրով թագաժառանգ Արդալլահին<sup>8</sup> դիմեցին 104  
սատուցի բարենորոգիչներ, որոնք կոչ էին անում երկրում մտցնել ընտ-  
րական իրավունք, ստեղծել սահմանադրություն, ընտրովի խորհրդա-  
րան, անկախ դատական համակարգ, պայքարել կոռուպցիայի դեմ, վե-  
րանայել կանանց իրավունքների, խոսքի ազատության, ինչպես նաև՝  
կրոնական, տեղային և սոցիալական խտրականությունների և դրանց  
առնչվող այլ հարցեր<sup>9</sup>: Նրանց կարծիքով՝ շուտափույթ բարենորոգում-  
ների ճանապարհով միայն կարելի էր երկրում խուսափել բռնության,  
անկայունության և ազգային տարանջատվածության սպառնալիքից:  
Բացի այդ, նրանք առաջարկում էին քաղաքական որոշումների ընդուն-  
մանը մասնակից դարձնել հասարակության բոլոր շերտերին: Հունվարի  
23-ին բարենորոգիչների մի խմբի հետ հանդիպեց թագաժառանգ Ար-  
դալլահը, որը հավաստիացրեց, թե բարենորոգումների իրականացումը  
երկրում անխուսափելի է:

2003թ. մայիսի 12-ին Ռիադում ալ-Կաիդայի կազմակերպած ա-  
հաբեկչությունից հետո, որին գոհ զնացին բազմաթիվ սատուցիներ, ամե-  
րիկացիներ և օտար քաղաքացիներ, ծավալվեցին հրապարակային  
քննարկումներ մարտնչող իսլամի և վահաբականության առնչության  
հարցի շուրջ, ինչը նոր մարտահրավեր էր թագավորական ընտանիքին,  
որը կանգնած էր բարեփոխումների անհրաժեշտության փաստի առաջ:  
Ահաբեկչության դատապարտմամբ հանդես եկավ Ներքին գործերի նա-  
խարար էմիր Նայիֆը, որի կարծիքով՝ ահաբեկչությունը իսլամի անու-  
նով արդարացնողը իր կրոնի և հայրենիքի դավաճանն է: Նայիֆի տե-  
սակետը պաշտպանեցին բարձրաստիճան կրոնավորներ, այդ թվում՝  
Գլխավոր ուլամայի խորհրդի նախագահ աշ-Շեյխը և ուրիշներ, որոնց  
զմահատմամբ՝ ահաբեկչությանը դիմող մահմեդականները հավատու-  
րացներ են<sup>10</sup>:

2003թ. մայիսի 17-ին, ելույթ ունենալով Շուրայի Խորհրդում,  
Ֆուհդ թագավորը հայտարարեց, որ Սաուդյան Արաբիան ընթանում է  
բարենորոգումների ճանապարհով: Նա նշեց, որ իրենք պատրաստվում  
են մեծացնել ժողովրդի մասնակցությունը կառավարման գործերում՝ ա-  
վելի մեծ հեռանկարներ բացելով կանանց համար, որոնք պետք է մաս-  
նակից դառնան ապագայի կերտմանը<sup>11</sup>:

2003թ. օգոստոսի սկզբին թագավորական հրամանով ստեղծվեց  
Աբդ ալ-Ազիզ թագավորի Ազգային երկխոսության կենտրոնը, որի նպա-  
տակն էր սաուդական հասարակությանն առնչվող խնդիրների շուրջ բա-  
նավեճեր կազմակերպել: Թագաժառանգ Արդալլահի կարծիքով՝ կենտ-

րոնի բացումը պատմական ձեռքբերում էր, որն աջակցելու էր երկրում ծայրահեղականության և մոլեռանդության դեմ պայքարին<sup>12</sup>:

Հոկտեմբերի 14-ին մարդու իրավունքներին նվիրված համաժողովի օրը սառուղյիները ձեռնարկեցին մախադեպը չունեցող բողոքի մի ցույց, որը ճնշվեց անվտանգության ուժերի կողմից: Հալյուրավոր ցուցարարներ ձերբակալվեցին<sup>13</sup>:

Երկրում ստեղծված ճնշող տապալորությունը թուլացնելու նպատակով 2003թ. հոկտեմբերի 13-ին Շուրայի խորհուրդը հայտարարեց անաջիկա 12 ամիսների ընթացքում 178 տեղական ինքնակառավարման խորհուրդներում ընտրություններ անցկացնելու մասին<sup>14</sup>: 2004թ. նոյեմբերին հրապարակվեց ընտրական օրենքը, հստակ կերպով սահմանվեցին ընտրակարգի պայմանները<sup>15</sup>:

Իսլամական բարենորոգչական շարժման կարևոր ձեռքբերումներից մեկն այն էր, որ հասարակությունը ինչ-որ չափով հնարավորություն ստացավ խոսել նախկինում արգելված և սառուղական հասարակության տեսանկյունից հրատապ թվացող հիմնահարցերի մասին: Ասվածի ևս պացույցն է այն փաստը, որ 2003թ. դեկտեմբերին Մեքքայում անցկացված Ազգային երկխոսության կենտրոնի առաջին հանդիպման ընթացքում փորձ արվեց քննարկել սառուղական հասարակության մեջ ւսուկա արմատականության և ծայրահեղականության տարբեր կողմերը, պատճառներն ու հետևանքները, դրանց հետագա կանխմանն ուղղված քայլերը: Անհրաժեշտ համարվեց սառուղական կրթական, սոցիալական և կրոնական համակարգերի արդիականացումը<sup>16</sup>:

Հարկ է նշել, որ լիբերալ գաղափարների տարածման հարցում ոչ պակաս կարևոր և դրական նշանակություն ունեցավ սառուղական մամուլը, որ հնարավորինս արձագանքեց ժամանակի հրամայականով թելադրված խնդիրներին: Մինչդեռ նախկինում մամուլը զգալիորեն թեմաների անդրադառնում էր միայն Սաուդյան Արաբիայի լրատվական պետական գործակալությունից կամ էլ կառավարական պաշտոնատարների համապատասխան անդրադարձներից հետո: Բազմաթիվ օտար լրագրողներ թույլտվություն ստացան ազատ կերպով տեղաշարժվել երկրվ ներսում: Կառավարությունը սկսեց ավելի բաց աշխատել մամուլի առաջ<sup>17</sup>: Ճիշտ է, մամուլը որոշ չափով ազատականացավ, սակայն այսօր էլ շարունակվում է մամուլի, հեռուստատեսության և ռադիոյի աշխատանքների գրաքննությունը, արգելվում է թագավորական ընտանիքին ուղղված քննադատությունը<sup>18</sup>:

2003-2004 թվականների բարենորոգչական գործընթացներին զուգահեռ Սաուդյան Արաբիայում մեծ թափ ստացան ֆեմինիստական շարժումները: Մարդու իրավունքների պաշտպան արևմտյան կազմակերպությունների տեսանկյունից՝ Սաուդյան Արաբիայում օրակարգային է կանանց իրավունքների հարցը<sup>19</sup>: Կանայք կազմում են ՄԱԹ-ի



բնակչության 50 տոկոսից ավելին, ինչն ավելի հրատապ է դարձնում նրանց մասնակցությունը սոցիալական կյանքում: Մինչդեռ ՄԱԹ-ում աշխատում է կանանց 4.8 տոկոսը<sup>20</sup>: 2004թ. սեպտեմբերին կառավարությունը հայտարարեց 11 մլրդ դոլլար արժուրթյամբ նոր ծրագրի մասին, որ հնարավորություն կտա նոր աշխատատեղեր բացել նաև կանանց համար<sup>21</sup>: Թագավորությունում պարբերաբար տեղի են ունենում կանանց թեմաներին նվիրված բանավեճեր:

2004թ. գարնանից բարենորոգչական շարժումը, ընդհանուր առմամբ, կորցրեց իր նախկին թափը, քանի որ շարժման բազմաթիվ ակտիվիստներ սկսեցին հետապնդվել: Բարեփոխումների ընդդիմախոս էմիր Նալիֆի<sup>22</sup> կարգադրությամբ 2004թ. մարտին ձերբակալվեց այլախոհների 12-13 հոգանոց մի խումբ, որ կոչ էր անում բացարձակ միապետությունից անցնել սահմանադրական միապետության, անցկացնել Շուրայի հ'որհրդի ընտրություններ, ստեղծել անկախ գործող մարդու իրավունքի մոնիտորինգի խումբ և այլն<sup>23</sup>: Այլախոհների ձերբակալությունը բողոքի նոր ալիք և բարեփոխումներ անցկացնելու հարցում անվստահություն առաջացրեց վարչակարգի նկատմամբ: Ձերբակալվածների մեծ մասն ազատ արձակվեցին՝ հրապարակային կերպով բարեփոխումներին չանդրադառնալու պայմանով: Սակայն շարժման երեք առաջնորդներ՝ հայտնի լրագրող և բանաստեղծ Ալի ալ-Դումայնին, համալսարանական դասախոսներ Աբդալլահ ալ-Համիդը և Մաթուր ալ-Ֆալիհը, ենթարկվեցին 9, 7 և 6 տարի ազատազրկման<sup>24</sup>: (2005թ. օգոստոսին իր գահակալությունից շատ չանցած Աբդալլահ թագավորը ներում շնորհեց վերջիններին<sup>25</sup>):

Իսլամական բարենորոգչական շարժումն ամեն կերպ զսպելու ուղղումն ամրագրվեց 2004թ. աշնանը հրապարակված օրենքով, որն արգելում է պետական ծառայողներին ստորագրել որևէ բողոքարկման տակ կամ հրապարակայնորեն քննադատել իշխող ընտանիքին<sup>26</sup>: Իշխանությունների նման քայլերը կապված էին մի կողմից 2004-ից նավթային զենքի բարձացման, մյուս կողմից՝ (ալ-Կաիդա) և ջիհադական խմբերի դեմ հաջողված պայքարի հետ<sup>27</sup>: Ներկայումս սառուղական վարչակարգը ահաբեկչության դեմ պայքարի շրջանակներում հետևողականորեն պայքարում է ոչ միայն ջիհադականների, այլև նաև՝ կրոնական մոլեռանդ գաղափարների դեմ: 2004-ի կեսերին 1 400 կղերական պաշտոնյաներ (իմամներ, խատիբներ, մուլաներ) հեռացվել են իրենց պարտականություններից և պետք է նորից վերապատրաստվեն: Կրոնական հանդուրժողականությունն արմատավորելու համար իրականացվում են տարբեր միջոցառումներ<sup>28</sup>:

Ընդդիմադիր շարժումները դիմագրավելու հարցում թագավորական ընտանիքի համար շարունակում են լուրջ հեմարան մնալ իսլամական պահպանողական շրջանակները՝ հանձնիս վահաբական ուլամայի,

որը դեմ է ազատական բարեփոխումներին՝ դրանք դիտարկելով սպառնալիք վահաբականության և սեփական դիրքերի համար. ինչպես նաև միջին դասից<sup>29</sup> սերած պահպանողականների մի շերտի. որ ներգրավված է հիմնականում վարչարարական համակարգում: Ի դեպ, կամ առանձին պահանջներ, որ երկուստեք առաջ են քաշում թե՛ պահպանողականները, թե՛ բարենորոգիչները<sup>30</sup>:

Հենվելով պահպանողական շրջանակների վրա՝ վարչակարգը 2005թ. փետրվարին անցկացրեց երեք փուլից կազմված տեղական ինքնակառավարման խորհուրդների ընտրություններ<sup>31</sup>: Ընտրություններից առաջ ձևավորվեցին դաշինքներ և խմբակցություններ, որոնք հասարակական շարժման շրջանակներում ընտրապայքար ծավալեցին<sup>32</sup>: Ընտրություններին հաղթանակ տարան հիմնականում պահպանողական և վահաբական ուլամայի կողմից հովանավորվող միջին դասի, հիմնականում արևմտյան կրթություն ստացած, ներկայացուցիչներ, որ աջակցում են թագավորական ընտանիքին, դեմ են աստվածապետության շրջանակներում ազատական բարեփոխումներին, միևնույն ժամանակ ձգտում են երկիրը հեռու պահել իսլամիստական շարժումներից և, ի վերջո, մասնակից դառնալ գործադիրի աշխատանքներին:

Տեղական ընտրությունները խոցել էին մի շարք ստումներով: Ընտրապայքարին որևէ քաղաքական ուժ կամ կուսակցություն չէր մասնակցում, կանանց արգելված էր առաջադրվել և քվեարկել<sup>33</sup>, խորհուրդների տեղերի կեսը նշանակվեց թագավորի կողմից: Ցածր էր մասնակցության ցուցանիշը (400 000 ընտրող 3 միլիոնից)<sup>34</sup>, որ մատնանշում է, թե ընտրությունները ոգևորություն չէին առաջացրել հասարակության լայն շրջանակներում: Բացի այդ, տեղական խորհուրդները որոշում ընդունելու տեսանկյունից շատ սահմանափակ են: Սա է պատճառը, որ բարենորոգիչները համոզված են, որ տեղական ընտրությունները չեն կարող վճռորոշ նշանակություն ունենալ բարեփոխումների գործընթացի մեջ: Սաուդյի հայտնի այլախոհ գործիչ Մուհսին ալ-Մուաջին նշում է, որ իրենք բարեփոխումների ավելի լուրջ ակնկալիքներ ունեն՝ ընտրովի խորհրդարան, թափանցիկ ֆինանսական և դատական համակարգ<sup>35</sup>:

Փաստորեն, Սաուդյան Արաբիայում չկա արևմտյան ժողովրդավարության, քաղաքացիական ինստիտուտների կամ աշխարհիկ հասարակության որևէ փորձ, իսկ ազատական (առավել ևս՝ աշխարհիկ) գաղափարները հասարակության մեջ այդքան էլ զանգվածային բնույթ չեն կրում: Առանձին բարենորոգիչներ նույնիսկ համոզված են, որ խորհրդարանական ընտրությունների դեպքում, հնարավոր է, հաղթանակ տանեն ոչ թե իսլամական լիբերալները, այլ ցեղային առաջնորդները կամ իսլամիստները<sup>36</sup>: Այս պարագայում, իսլամական ազատականների համար դժվար կլինի պայքարել կրոնական արմատականության, ծայրահեղականության, ինչպես նաև վահաբականության դեմ, որ խոր արմատներ



ունի հասարակական գիտակցության մեջ: Սատուական (ալ-Հայաթ) քերթի խմբագիր Մայասաթ Շամմարիի կարծիքով՝ սատուական հասարակությունը պատրաստ չէ լայնածավալ բարենորոգումների, ուստի փոփոխությունները չեն կարող ներդրվել միանգամից, ինչպես ցանկանում են բարենորոգիչները: Սինդիեռ ալ-Աուաջին մերժում է այն գաղափարը, թե հասարակությունը պատրաստ չէ ժողովրդավարության: Նա համոզված է, որ հասարակությանը կարելի է վարժեցնել ընտրությունների: «Մենք գգում ենք ժողովրդավարության կարիքը, անկախ այն բանից՝ մենք պատրաստ ենք դրան, թե ոչ»<sup>37</sup>: Իսկ Աբդալլահ ալ-Համիդի համոզմամբ՝ կարևոր է սատուցիներին սովորեցնել մասնակցություն ունենալ քաղաքական գործընթացներին, այլ կերպ ասած՝ նրանց քաղաքացի դարձնել, քանի որ այդ գիտակցությունը նրանց մեջ դեռևս ամրագրված չէ<sup>38</sup>:

Սատույան Արաբիայի ժողովրդավարացման հարցում կարևոր գործոն է սատուական հասարակությունը, որ պահպանողական, ավանդույթային և ցեղային է<sup>39</sup>: Ի վերջո, ժողովրդավարության ինչ մոդել է գործելու Սատույան Արաբիայում՝ արևմտյան թե՛ իսլամական: Մահմեդական տեսաբաններից շատերի կարծիքով՝ իսլամը և արևմտյան ժողովրդավարությունն անհամատեղելի են: Իսլամական աշխարհի համար ժողովրդավարությունն նշանակում է շարիաթական նորմերի լիակատար ներդրում, ինչը կապահովի իսլամական սկզբունքների վրա խառնված հասարակության ներդաշնակ զարգացումը: Սակայն փաստ է, որ ժողովրդավարական արժեքների օգտին հանդես եկող իսլամական բարենորոգիչներն ըստ էության առաջ են քաշում արևմտյան ժողովրդավարական արժեքներ, ինչպիսիք են՝ ազատ, խորհրդարանական ընտրությունները:

Իսլամական ազատականներին անհանգստացնում է այն փաստը, որ բարեփոխումների հարցում կարող է բացասական նշանակություն ունենալ նաև ԱՄՆ-ի գործունեությունը<sup>40</sup>: Փաստ է, որ Վաշինգտոնը արևմտյան արժեքների և ժողովրդավարության ներդրման ու միասեռ հասարակությունների ստեղծման՝ գլոբալ քաղաքականության շրջանակներում Ռիադից պահանջում է բարեփոխումներ անցկացնել երկրում, ինչպես նաև պայքարել իսլամական ահաբեկչության դեմ: Հնարավոր է, որ ԱՄՆ-ի նկատմամբ իսլամական հասարակությունների ավանդական անտագոնիզմի, ինչպես նաև ԱՄՆ-ի կողմից սանձազերծված իրաքյան պատերազմի արդյունքում՝ սատուցիները բարենորոգումները դիտարկեն իբրև ԱՄՆ-ի կողմից ներդրված և չաջակցեն դրանց: Այս իրողությունը կարող է հետաձգել կամ ընդհանրապես անհաջողության մատնել բարենորոգումների գործընթացը: Աբդ ալ-Ազիզ ալ-Հասսիմի կարծիքով՝ «Ցանկացած արտաքին ազդեցություններ, և հատկապես Միացյալ Նահանգներից, ավելի կբարդացնի իրական առաջընթաց ու-

նենալու հնարավորությունը»<sup>41</sup>։ Այս առումով ուշագրավ է Ֆրանսիայի նախկին արտգործնախարար Յուբեր Վեդրինի հետևյալ կալածիքը. «...այսօր պարզ է, որ եթե Սաուդյան Արաբիայում անցնեն լազստ լնտրություններ, այնտեղ կհաստատվի հակաարևմտյան վարչակարգ»<sup>42</sup>։

Կարելի է ասել, որ իսլամական բարենորոգչական շարժումը տեսանելի հաջողությունների հասավ Սաուդյան Արաբիայի պես պահպանողական երկրում, չնայած խոսքի ազատության, մարդու իրավունքների, կրոնադավանական փոքրամասնությունների նկատմամբ շարունակվող սահմանափակումներին։ Սաուդական ընտրանին հազիվ թե ընդառաջ գնար սահմանափակ բարենորոգչական նախաձեռնությունների (խոսքի սահմանափակ ազատություն, քաղաքական բանավեճի ծավալում, տեղական ինքնակառավարման ընտրություններ, քաղբանտարկյալների մի մասի ազատ արձակում և այլն), եթե չլինեին ներքին ճնշումներն իշխող ընտանիքի վրա։ Սաուդական հասարակական-քաղաքական համակարգի արդիականացման տեսանկյունից հիշյալ ձեռքբերումները մի քայլ են՝ այս ոլորտում ավելի լուրջ բարեփոխումների ճանապարհին։

Հարկ է նշել, որ ազատական շարժման հետագա հաջողությունը կախված է բարենորոգումների հարցում թագավորական ընտանիքի դիրքորոշումից։ Բարենորոգիչները որոշակի ակնկալիքներ ունեն Արդալլահ թագավորից, որն էապես աջակցել է բարենորոգչական շարժանը։ Արդյո՞ք Արդալլահ թագավորն այսուհետև նույնպես ընդառաջ կգնու ներքին մարտահրավերներին, դժվար է ասել, սակայն փաստ է, որ այսօր թագավորական ընտանիքում շատերն են խոսում բարեփոխումների օգտին<sup>43</sup>։ Չի բացառվում, որ առաջիկայում սկսվեն սահմանադրության, օրենսդիր մարմնի ստեղծման և ընտրական իրավունքի ներդրմանն առնչվող հարցերի քննարկումներ։ Իշխող վարչակարգի տեսանկյունից՝ ահաբեկչության և կրոնական մոլեռանդության դեմ պայքարի հաջողությունը, ինչպես նաև սեփական իշխանության պահպանումը (թեկուզ ինչոր չափով ձևափոխված տարբերակով) շատ դեպքերում կախված է հասարակական-քաղաքական կյանքում իսլամական ազատականացման առավել ներգրավումից։

ARAKS PASHAYAN

#### ABOUT THE PROBLEM OF SOCIO - POLITICAL REFORMS IN SAUDI ARABIA

The social and political reformist movement in Saudi Arabia reached to its apogee in 2003-2004. The process was expressed with petitions and public claims such as suffrage, transparent financial and judicial system, defense of human rights, creation of constitution, etc. In result of internal challenges and pressures on Royal



family, the reformist movement (led by Islamic liberals) achieved some successes like limited liberty of speech and political discourse, municipal elections, release of several political prisoners. etc. These reforms are a new step towards modernization of public and political life in such conservative country as Saudi Arabia. The Royal Family has to realize that cooperation with Islamic liberalism would help to combat Jihadists and preserve own positions.

## ԾԱՆՈԹԱԳՐՈՒԹՅՈՒՆՆԵՐ

1. *Իջրհիսադը* նկատի է առնում կրոնական-իրավական որոշումների ընդունումը ռաջիոնալիստական մեթոդով՝ *կիյասի* (դատողություն ըստ ամալոգիայի), *իջմա'յի* (հավաքական կարծիք) կամ *ռայյի* (ազատ, անհատական կարծիք) միջոցով:
2. Այս մասին տես՝ Кепель Ж., Джихад, М., 2004, стр. 213-216.
3. Основные системы власти Королевства Саудовская Аравия (1992г.), глава VI, Государственная власть, статья XXXIV, в кн.: Александров И. А., Монархии Персидского залива. Этап Модернизации, М., 2000, стр. 464-479.
4. Кепель Ж., Джихад, стр. 214.
5. Stephane Locroix, Between Islamists and Liberals: Saudi Arabia's New "Islamoliberal" Reformists, Middle East Journal, vol. 58, No.3, Summer, 2004, p.346.
6. Նույն տեղում:
7. 2003թ. սեպտեմբերի 24-ին 306 սուննի և շիա աշխարհիկ ուղղվածությամբ մի խումբ մերկայացրեց «Հանուն ազգի պաշտպանության» վերտառությամբ խնդրագիր, որտեղ արժարժված էին վերը նշված հարցերը: Այս մասին տես՝ Toby Jones, Violence and the Illusion of Reform in Saudi Arabia, <http://www.merip.org/mero/mero111303.html>
8. Արդալլահի բին Աբդ ալ-Ազիզը ընդհուպ մինչև 2005թ. օգոստոսը Ֆահիթ թագավորի հիվանդության պատճառով 1995-ից դե ֆակտո ղեկավարում էր երկիրը:
9. John R. Bradley, Reform Debate Rages in Saudi Arabia, Tuesday 4th March 2003, <http://www.selvesandothers.org/article7051.html>
10. Աշ-շարկ ալ-աուսատ, 14. 05.2003, <http://asharqalawsat.com>
11. Աշ-շարկ ալ-աուսատ, 18. 05.2003, <http://asharqalawsat.com>
12. Saudi Arabia To Establish A National Dialogue Center, <http://www.islamonline.net/English/News/2003-08/04/article08.shtml>
13. Saudi Arabia, World Report, 2005, <http://hrw.org/english/docs/2005/01/13/saudia9810.htm>
14. Առաջին անգամ տեղական ինքնակառավարման ընտրությունների մասին որոշում ընդունվել է 1977թ., Խալիդ բին Աբդ ալ-Ազիզ թագավորի կողմից, որի չկիրարկման պատճառն այն էր, որ նավթային հսկայական եկամուտների շնորհիվ իշխանությանը հաջողվում էր բարեկեցիկ պայմաններ ստեղծել սաուդական ժողովրդի համար՝ ամեն գնով խուսափելով հասարակական-քաղաքական բարեփոխումներից: Г.Г.Косач, Реформы в Саудовской Аравии: муниципальные выборы [http://www.iimes.ru/rus/frame\\_stat.html](http://www.iimes.ru/rus/frame_stat.html)

15. Իրենց թեկնածությունը կարող էին առաջադրել 25 տարին լրացած Մաուդյան Արաբիայի քաղաքացիներ կամ արաբական ծագումով եւ տաս տարուց ավել սաուդական քաղաքացիություն ունեցողներ, որոնք պետք է նախկինում դատված ինքեին կամ էլ վտարված պետական ծառայությունից: Ընտրելու իրավունք ունեին 21 տարին լրացած ոչ զինվորական քաղաքացիներ, որոնք պետք է քվեարկեին իրենց մշտական բնակավայրում: Նախքան ընտրական օրենքի հրապարակումը խրախուսվել էր հինգ սաուդցի կանանց թեկնածության առաջադրումը, սակայն արդեն 2004-ր. հոկտեմբերին ներքին գործերի նախարար Նայիֆը հայտարարեց, որ հագիվ թե կանանց թույլատրվի իրենց թեկնածությունն առաջադրել, առավել ևս ընտրել:
16. Հասարակության մեջ արատավոր երևույթների հաղթահարման համար անհրաժեշտ համարվեց նաև երիտասարդական կենտրոնների ստեղծումը և երիտասարդների հետ կապված հատուկ ծրագրերի ստեղծումը, ինչը նրանց մեջ պետք է զարգացնի նորամուծության ոգին: Նշվեց, որ անհրաժեշտ է օգնել ցանկացած մարդու, ով ուզում է հաղթահարել իր մեջ բռնությունն ու ինտելեկտը հասարակությամբ: Կարևորվեց նաև կամավոր սկզբունքներով ստեղծված կազմակերպությունների և առևտրական միությունների դերը քաղաքացիական հասարակության ինստիտուտների զարգացման, ինչպես նաև կառավարության վարչական, իրավական և գործադիր ճյուղերի տարանջատման հարցը: Այս մասին տես՝ Saudi Reform, Middle East Document, Middle East Economic Survey, Vol. XLVII, No. 02, January 12, 2004.
17. 2003թ. գարնանից Մաջլիս աշ-շուրան լրագրողներին թույլատրեց մասնակցել իր աշխատանքներին, իսկ հեռատալանկերությունները թույլվություն ստացան մասնակիորեն մեկնաբանել Խորհրդի աշխատանքները: Նախադեպը չունի այն փաստը, որ Արտաքին գործերի նախարարությունը սկսել է մամուլի ասուլիսներ հրավիրել:
18. Շատ ղեկավարում լրագրողները ենթարկվել են պատժամիջոցների կրոնական ուսուցանական կառույցին՝ Առաքինության պահպանության և անբարոյականության դեմ պայքարի կոմիտեին քննադատելու կամ վահաբական դոգմաները կասկածի տակ առնելու համար: Այս մասին տես՝ Saudi Arabia, 2004-2005 Country Reports on Human Rights Practice <http://www.jewishvirtuallibrary.org/jsource/anti-semitism/hrsaudiArabia03.html>
19. Մաուդուհիները չունեն ընտրելու, վարելու իրավունք, նրանց չի թույլատրվում ուսանել ցանկացած առարկա, նրանք չեն կարող ճանապարհորդել առանց ամուսնու, մերժավոր հարազատի կամ տղամարդ հովանավորի թույլտվության, տղամարդու հետ աշխատել մույն սեռյակում: Կանանց նկատմամբ խտրականության կա ամուսնալուծության և երեխաների խնամակալության հարցում: Նրանք պարտավոր են հետևել հագուստի մեջ խալանական ավանդույթին, այլապես կենթարկվեն շարիաթական պատիժների:
20. Ներկայումս 20, 000 ֆիրմաներ գրանցված են սաուդցի կանանց անունով: Ջիդդայի Առևտրի պալատի 50000 անդամներից 2000-ը կին է: Այս մասին տես՝ Samar Fatany, The Status of Women in Saudi Arabia, <http://www.arabview.com/articles.asp?article=477>



21. Khalid Hasan, Liberal Reform activism ends in Saudi Arabia, Daily Times, 2004, October 23.
22. Էմիր Նալիլը, որը Ֆահդ թագավորի հարազատ եղբայրն է, դեմ է անգամ «Բարենորոգում» եզրի շրջանառությանը, ինչը մատնանշում է, թե համակարգում ինչ-որ սխալ բան կա: Այդ համատեքստում նրա նախընտրած եզրը «զարգացումն» է: Այս մասին տես՝ [www.project-syndicate.org](http://www.project-syndicate.org)
23. Khalid Bhatti, Limid Reforms Will Not Solve Deep Political Crisis, <http://www.socialistworld.net/eng/2005/05/16saudi.html>
24. 2004թ. օգոստոսի 9-ին սկսված նրանց դատավարության առաջին մասը, ՍԱԹ-ի պատմության մեջ առաջին անգամ, անցկացվեց բաց, սակայն դատավարության շարունակությունն ընթացավ դռնփակ:
25. Արդալլահ թագավորը ներում շնորհեց նաև երեք այլախոհների փաստաբանին՝ Աբդ առ-Ռահման ալ-Լահիմին, որը բանտարկվել էր այն քանից հետո, երբ դատավարության ժամանակ քննադատել էր թագավորության դատական գործառույթը, ինչպես նաև իսլամիստ Սալիդ բին Ջունեյրին, որը հինգ տարի ազատազրկման էր ենթարկվել թագավորությունում ահաբեկչական գործունեություն ծավալելու համար:
26. Պետական ծառայողներ են բարեփոխումների բազմաթիվ կողմնակիցներ, որ աշխատում են պետական կրթական, գիտական և մշակութային հաստատություններում, ինչպես նաև լրագրողներ, որ աշխատում են պետական թերթերի, ամսագրերի խմբագրություններում և լրատվական գործակալություններում:
27. Գոյություն ունեցող տեղեկությունների համաձայն՝ Սաուդյան Արաբիայում գործում է ալ-Կաիդայի հետ կապ ունեցող իսլամական ծայրահեղականների ցանց:
28. Հիշյալ թեմայի վերաբերյալ ինտերնետային կայքերում երիտասարդների հետ քննարկումներ են անցկացվում: Բջջային հեռախոսներ ունեցողները հաճախ են ահաբեկչությունը դատապարտող հաղորդագրություններ ստանում: Ալ-Կաիդայի գործունեությունը հրապարակային ձևով դատապարտել են բեն Լադեն ընտանիքի անդամները, որոնք շատ մոտ են կանգնած իշխող ընտրանում: Այս մասին տես՝ Chicago Tribune, February 12, 2005, [www.danieldrezner.com/archives/001887.html](http://www.danieldrezner.com/archives/001887.html)
29. Սաուդյան Արաբիայի հասարակության արդիականացման տեսանկյունից խիստ կարևոր է միջին դասը: Մոտ մեկ միլիոն մարդ հաշվվող միջին դասը ձևավորվել է 1960-ականներից, որի ներկայացուցիչները հիմնականում գործարարներ, համալսարան ավարտած մասնագետներ, համալսարանական դասախոսներ, ինչպես նաև չինովնիկներ են:
30. Թե՛ բարենորոգիչները և թե՛ պահպանողականներն առաջ են քաշում անկախ դատական համակարգի, թափանցիկ բյուջեի ստեղծման և կառավարության հաշվետվության հարցը: Stu' Mohamad Bazzi, Quietly, Reform Fades Out After a Period During Which Change Seemed Possible, 2004, October 26, published by the Long Island, NY Newsday <http://www.commondreams.org/cgi-bin/print.cgi?file=/headlines/04/1026-01.htm>

31. Ընտրությունները տեղի ունեցան Ռիադում և նրա շրջակայքում փետրվարի 10-ին, երկրի արևելյան և արևմտյան մարտի 3-ին և հյուսիսային նահանգներում՝ ապրիլի 21-ին:
32. Նախադեպը չունեցող ընտրությունները թագավորությունում ընթացյալ մաս «ոչ մաքուր» տեխնոլոգիաներով: Ընտրարշավի ընթացքում սատուական մամուլում հայտնվեցին հաղորդումներ այն մասին, որ որոշ թեկնածուներ «համեստ» գումարներ են բաժանում ուսանողներին՝ նրանց կողմից աջակցություն ստանալու ակնկալիքով:
33. Նախքան ընտրական օրերի հրապարակումը խրախուսվել էր հինգ սատուցի կանանց թեկնածության առաջադրումը, սակայն արդեն 2004թ. հոկտեմբերին Ներքին գործերի նախարար Նալիֆը հայտարարեց, որ հազիվ թե կանանց թույլատրվի իրենց թեկնածությունն առաջադրել:
34. Cauthy Nugent, Reforming Saudi Arabia, 2005, March, 4, <http://www.workersliberty.org/node/view/3811>
35. Mohamad Bazzi, After a Period During Which Change Seemed Possible, 2004, October 26, by the Long Island, NY Newsday <http://www.commondreams.org/cgi-bin/print.cgi?file=/headlines/04/1026-01.htm>
36. Mohamad Bazzi, Quietly, Reform Fades out After a Period During Which Change Seemed Possible, 2004, October 26, published by the Long Island, NY Newsday <http://www.commondreams.org/cgi-bin/print.cgi?file=/headlines/04/1026-01.htm>
37. Նույն տեղում:
38. Н.С.Глебова. Оценка арабскими и западными аналитиками современной ситуации в Саудовской Аравии, <http://www.iimcs.ru>
39. Այս տեսանկյունից ուշագրավ է Սաուդյան Արաբիայում ցեղային դեմոկրատիայի գործառույթը, որը, հենվելով ավանդույթի վրա, փորձում է ուղիղ կապ ստեղծել կառավարողի և սրա սուլիկտների միջև՝ առաջնորդվելով իսլամական խորհրդակցության սկզբունքով: ՍԱԹ-ում շաբաթը սեկ կամ մի քանի անգամ ազազ էմիրները (ներառյալ թագաժառանգը) լսարան են տրամադրում սատուցի քաղաքացիներին՝ ընդառաջ գնալով նրանց բողոքներին ու առաջարկներին:
40. John R. Bradley, Reform Debate Rages in Saudi Arabia, Tuesday 4th March 2003 <http://www.selvesandothers.org/article7051.html>
41. Mohamad Bazzi, Quietly, Reform Fades Out After a Period During Which Change Seemed Possible, 2004, October 26, by the Long Island, NY Newsday <http://www.commondreams.org/cgi-bin/print.cgi?file=/headlines/04/1026-01.htm>
42. “Международного сообщества” увы не существует, Свободная мысль-XXI, No. 7, 2005.
43. Այս առումով ուշագրավ է 2005թ. էմիր Թալալի հայտարարությունն այն մասին, որ արաբ առաջնորդները պետք է քարեփոխումներ իրականացնեն նախքան հասարակական ճնշումների ենթարկվելը: Նա նշել է, որ քարեփոխումների կարիք ունի առաջին հերթին Սաուդյան Արաբիան: Էմիր Թալալը, որ Արդալլահ թագավորի խորթ եղբայրն է, նախկինում զբաղեցրել է ֆինանսների նախարարի պաշտոնը: Այս մասին տես՝ Prince Talal Calls For Reforms in Saudi Arabia, <http://www.middle-east-online.com/englisg/?d=14392>